

A Monthly Christian Magazine

AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 52 || No. 01 & 02

January & February, 2016



Editor: Rev. Tualzachin

Editorial Board

Editor : Rev. Tualzachin - 9862829526

Joint Editor : Rev. Stephen Chinzathang
- 9863042789
ct_stephen@yahoo.com

Cir. Manager : Upa Jamsianmung - 9862086615
sianmung@rediffmail.com

Bus. Manager : Kamgenpau - 8974612937
Sye T. Ginzahau - 8974438842

Cont. Editors : Upa S. K. Khama - 9856406454
Rev. Awnkhankhup - 9862828921
Rev. M. G. Nehlien - 09535042257
Rev. Kaimuanlal - 9862923960

ZOU SYNOD ULIENTE

- Moderator:
Rev. Khupkhansuan
- Moderator Elect:
Rev. Mangsuanthang
- Secretary (Sr):
Upa T. C. Pau
- Secretary (Jr):
Upa Sianzahau
- Treasurer:
Upa T. Lamkothawng
- Statistician:
Upa Kapkhanthang
- Executive Secretaries:
Rev. Tualzachin
Rev. Stephen Chinzathang

- Editorial..... 01
- Thu tuomtuom 03
- Reports 06
- A Lungsim a vangam um napi 09
- Mangpa hoi hi..... 12
- Kumtawn hinna Inn kip..... 13
- Mothuoitah a Jesu nuazuina 17
- Suhdihna..... 19
- ZPWF Culumn 20
- Suunna..... 22

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod
ngaidan ahi kimsih a, a suotute'n maw
a kipuoh chiet ding uhi.

Thusuo dingte Editor kung a pieh
ding ahi.

Editorial

LUNGDAK THUGENNA LEH CHIBAI BUHNA

Pasian hoina leh mapuinate tang tou zelin kumlui ha liem zou in kumtha, haa tha, nitha meel muthei a hing pui gaalkaitu Mangpa minloup i phat masa uhi. Tam toh kiton in Zou Synod huong sunga Pasian in Ama bang a siengthouna leh ginumna hinkhuo nei ding a ahat doh local chin a Hattuum te ang peibai ding I Mangpa Jesu Khrist min na bon un kumtha chibai ka hing buh hi.

Pasian nna i sepna te kum khat abei zieh a khawl moh thei ihisih ua, tuamai hilou in pensionta chi a zong khawlmoh thei hilou hi. I thei ding ua ka dei ahi leh Pasian nnasepna ding pen i pienkhiet apata haan khuh tan hizaw ding ahi chi manghil sih vaui. I laisengthou pan san ding ahileh (II Korinth 5:17) “Koijong Khrist toh akizop a ahileh hinna tha nei ahita a hinna lui pen abeisieng kei a, hinna tha ahing umta hi”. Kumtha meel imu uh toh kiton in tami laisengthou pansan in houlim lei chi kahi. Sawltah Paul in Korinth mite deisahna toh tami laisengthou in ana houpi hi. Koizong Jesu Khrist toh kizop tapouten pienthana or hinna tha hingnei pan uhi. Mi ang pientha chiengin adu, angai, alunglutnate uh hing kiheng lamdang mama hi. Nidang a akhohei umdante uh mothuo i ang sata ua, gen ding, genlou ding tanphah ah zong Pasian in khentel theina pie hi. Kamudan in i mi NAM i pawlpi sunga lamkaite ka en a piengtha minpuo tampi um hi. Aziehpén ama a kihenlamdangna um mawngmawng lou tampi um hi.

Akhente Hattuum sunga dept. tuomtuom a mawpuohna poimaw tahtah neite ngen bang ahi uhi. Laa phuohtu khat in kameel ah nangma meel mu ding umlou achi bangin Biehinn sung mai a hagau mi mama a kibawl tom tampi um hi. Hinanleh miten mundang a ium chieng miten ama koi a de..... aw chi ding khop a ki um thei

ahi. Khat veivei mite Pasian toh a kituohna/apientha uh thuh deu ama le? kachi zel a tunia ka kup nuom in mite hau deudeu leh pil deudeu hinanleh iki khietna pen hounop deudeu, kingainiem deudeu uhi. Tamte apat kivel thalei ipientha vang ua i mihing lui pen beilou ave maw..... ? chi thei khop in ki um hi, chi thei kawm in kisiem tha vau. Gingu mipiengthasa ten bawzui ding inei ua top san ding zong inei uhi. Envai.

Bawzui dingte:

- | | |
|-------------------|-----------------|
| 1. Midangte itna | 2. Kingainiemna |
| 3. Thuohzawna leh | 4. Dawtheina |

Topsandingte:

- | | |
|--------------------|----------------|
| 1. Mi mudana | 2. Thangsietna |
| 3. Kideikhopna leh | 4. Kilangkenna |

Kumtha meel imu utoh kiton in Pasian in ihinna uah thu gen in hing heng lamdang chiet taken....! Amen.

.....

SUHDIHNA (CORRIGENDRUM) 2015

1. Khristian Tangkou December 2015 Issue a Upa Goumang Central Church kichipen MGP chi ding hizaw.
2. Kumtawp nipi sang laivuonna a Question No. 49 a dawnna a, adih um kichi pen adih umlou chizawh ding.

KHOCHIN LIST

PWF Behiangjang distrist Target ₹ 6000 chiding ahi.

Taga Building target ₹ 10000

PWF Manniangkhua Anntang ₹ 2250

PWF Chingmangkhua Anntang ₹ 5000

SEPGUOL TUOHKHAWM 2015

- | | | | |
|------------|--------|-------------|--------|
| 1. Sugnu | ₹ 8447 | 2. P. Salem | ₹ 1660 |
| 3. T. Zion | ₹ 415 | 4. Moreh -I | ₹ 4811 |

.....

THU TUOMTUOM

leh

thumpi dingte

01. Pasion hoina leh kepbitna toh kumlui 2015 ha liem zoua kumtha 2016 meel hing musaha hing pui gaalkaitu Mangpa min loupi phatkawm in akung ah lungdam thu igen uhi.
02. Pasion in bangma lou banga i umlai in a Hattuum leh mimal te thungetna te hing dawng in Presbyterian Church Tuibuang ah December 10-13 tan dai in Zou Presbyterian Church Synod a (12) vei vaihawmna khawmpi lawching tah in kizouta. Khum nah Pastor siemna leh maban kalsuon ding dan genkhawm na toh um hi. Tualeh, Valedictory sermon leh Hanthawn thugenna zong um hi.
03. December 13, 2015 niin Zou Synod Mission & Evangelism thuphasah umsa bangin Evan. K. Mangpu Synod a (12) vei vaihawmna (Session) mai ah ama kum (60) a chintah toh kiton in Pesion pieh ahita. Amaban kalsuonna ding thu ngetna toh bawzui vaui.
04. Zou Synod a (12) vei vaihawmna thuphasah umsa bangin apeisa January 10, 2016 (Pasianni) in Pro. Pastor S. Ginlianmang a station mun ding Presbyterian Church Maukot ah Induction Service kinei hi.
05. ZPYF Lakutpi (Song festival) Pasion hoina leh umpi na zal in Zou Synod etkawl na nuoi a Zou Presbyterian Youth Fellowship te panlahna toh apeisa January 15-17 sung Presbyterian Church Tongdam Vangkhua ah phatna leh Biehna toh Laa khawmpi kijang hi. Pasion hagau pawlna leh umpina tang in ginglawm chinteng toh Mangpa phatnan hun kijang hi. Thupi: “Mangpa phat un”

Key note address:

* Rev. Stephen Chinzathang i/c Youth

* Seminar: Tropic: Presbyterianism in the Contact of Youth

Short message:

- 1) Rev. Awnkhankhup Sr. Secretary (PCI)
- 2) Rev. Khupkhansuan Moderator (ZPCS)
- 3) Rev. Tualzachin Sr. Exe. Secretary

Pasian hoina leh hagau pawlna toh khela pumpum in nuomtah in kijang zou hi.

06. Kumtha meel imu uh toh kiton ei Lamka khopi mai hilou in Manipur pawlam tana lungdam pawl zang zou a siemzilte, sepna neite leh gaalkap (Sepoy) hina nasemte damtah leh lamzang tah a ama uh hina bang zel ua amun chiet uh dam a atun theina ding thumna toh bawzui chiet va ui. Tam teng ban ah lou nasemte, sum sui mite leh sepna dangdang a nehsuite a din tatlou in ana thum chiet vaui.
07. Kumtha a ding ihina toh Pasian Hattuum, Kemtu Pastorte, Upate leh amu bangzel ua sawm -a-khat petute a din thu ngetpieh vaui. Kum peisa sanga i local chin in atamzaw sem a Head Office lam ah sun lut or submit lam ah kitaidem chiet vaui.
08. **Thum sahna:** Eite tang a Khantanhoi thupha zal a Zou Synod huong sung leh khovel gam zousie TANCHINPHA puongzah a kal sang suonte adin tat lou in ana thum in.
09. Zou Synod theipina toh Theological College mun tuomtuom a Bible zillai ineite a ding un ana thumzing vai. Tunia i deipen ahileh heisung College hitaleh zong ki thupi sahna toh gakhe loua hagau miit na toh ang gasuo thei chiet na dingun Hattuum leh mimal chin in thumpi zing va ui.

10. **Thumsahna:** Zou Synod (1) Executive Secretaries, (2) Office Bearers (3) Executive Committee leh (4) Branches Committee Amauhte Zou Synod kingahna khuom leh bante ahi ua, anapi pen uh vaihawmna nasep ahiman in vaihawm siemna, kithu tuohna leh pankhawm siemnate ngetsah vai.
11. Zou Synod etkawlna nuoi a um ZPYF in maban Sangnaupangte khuolna in Project lien mama mai HOSTEL Building lamna ding pei tou lellel a khum toh kisai in tukum Zou Synod Calender zong a zuoh laitah uh ahia, imai ah ZPYF Khawmpi ah T. Shirt zong hing zua uhi. Pasion nnasep na banga ngai in thumpi kawm in ana leisah sausau vaui.
12. Pasion hoina leh mapuinate tang zel in apeisa December 29 niin Singngat District PYF te organise na in Mangpan kum (50) Golden Jubilee meel mu thei a apui tungna Mangpa kunga lungdamthu genna District Head Quarter Singngat nuomtah in kijang zouta. Suong hongtu: Rev. Kaimuonlal Bieltu Pastor Souvenir honna leh Jubilee Massage Rev. Stephen Chinzathang Executive Secretary i/c Youth (ZPCS).
13. **Lungdampina:** Tv. S. Paukhatsuan s/o Pu S. Khamchinthang in a sepna apat in Sr. Engeneer ah Promotion mutha hi. Aman Pasion nna asepnna banga ngai in Singngat District PYF Golden Jubilee suong man dingin Rupees 30,000 (Sang somthum) pie hi. Mangpa'n amaban kalsuonna ding ah lawchinna sangzaw guonta hen !

.....

Reports

LUNGDAMPINA SILPIEH REPORT:

Tangpijol khosung a kum 2015 kumtawp laivuonna ah sangnaupang pawl VIII leh IX siemzilna ah lawchinna ngate Hattuum sung ah Peon-cum-Chowkidar Tv. Kapchinkhup in kipahpi etsahna in lawching te zousie kung ah kipahman silpie pieh hi. Aman agen na ah maban a sangnaupangte tusang a pan la zaw ding leh kukal tah ah peitou dingin gen hi.

Kipah man piehte tam anuoi a bang ahi uhi.

PAWL - IX

- | | |
|-----------------------|---------------------|
| 1. Paulienkap | 2. T. Manglienthang |
| 3. Vunghaukim | 4. Niangzoukim |
| 5. Christy Kimnunliim | 6. Chiinhoikim |
| 7. Nienglunzou | 8. Kapkhankhup |
| 9. Mercy Chingmuonkim | |

PAWL - VIII

- | | |
|------------------|-------------------|
| 1. Douminlun | 2. Khupsianmung |
| 3. Khupkhanlun | 4. Lianhoinieng |
| 5. Vungzouzam | 6. Chiinnuamching |
| 7. Dimneilam | 8. Chiinsonkim |
| 9. Niangneilun | 10. Mangneikhup |
| 11. Haulienthang | 12. Khamsanglien |

**PASPATI HATTUOM A
KHRISTMAS LEH CRUSADE REPORT - 2016**

- Evan. Bhim Prasad Paspati

Amasa'n ang pei baita ding local chin a Ama Hattuumte kumtha chibai ka hing bawl hi.

Paspati Mission Field ah a khamkham in Khristmas leh Kumtha te anuomthei pen in zalentah in kijang thei hi. Tualeh apeisa December 28-30, 2015 sung in Crusade kimang hi. Speaker: Pastor Monarath Sharma kizang hi. Phatna laa sahte nuom in kiliim thei mama hi. Programme atel ginglou mi 50 val Nepali mite toh Programme hoitah a zah ahi. Mipiten zong lunglut tah in Pasian thu ngai uhi. Speaker pa thugen leh phatna laa kisate Pasian hagau in zang mama hi. Pasian in thupina zousie tang taken!

Tutung zilling (Earth quake) aum zieh in Manipur gam zousie mipi tengteng patau in zau gop uhi. Laisiengthou Amos 4:12 a gen Aw Israel na Pasian tuoh din mansa'n um in chi ahi "Prepare to meet thy God" achi bangin gingtu tengteng in kimansa um hun hita hi. Mangpa nna naseplou leh Mangpa masang ah bang na gen diai? Na Pasian toh face to face a na ki maituo hun chieng un Mangpa masang ah bang igen tadi uoi? Mangpa mai a face to face a na ki maituo hun chieng in Tapa, Tanu chi in nasep dan gen in chi hun dingin kimansa'n umngai tahi. Um sawm chiet vai.

Simtu zousie Mangpa'n hing guoljawl taken Amen.

PRO. PASTOR INDUCTION REPORTS:

Synod vaihawmte hing lemsahpina bang in Singngat District sung a sem ding in Pro. Pastor S. Ginlienmang Maukawt Hattuum a um ding in, Synod thaluong in Rev. Tualzachin (Sr. Executive Secretary), Upa Kamdou leh Pastor Retired Kamkhosoi ban ah Singngat District thaluong in Chairman Upa Paukhanap, Secretary Sye Pauneikhai, Upa Chinsuan leh Bieltu Pastor Rev. Kaimuonlal ten dt. 10-01-2016 (Sunday) ni in induction na ava kinei hi.

Synod thaluong a hing pei te Singngat district O.B ten Pastor Quarter ah vaidawnna ana kinei hi. Maukawt LCC te toh zing ann nehkhawmna zong akinei hi. Kikhawpna ah Bieltu Pastor in mapui in, Upa Chinsuonhang in khawtuolte silpiehte Pasion kungah latna anei hi. Rev. Tualzachin in Pro. Pastor pa Ginlianmang induction na anei hi. Mawngken PYF te apat in laa pawl khat present hi. Upa Kamdou in I Peter 5:2na sim in Pasion thu a houlimna leh nounel tah a hanthawnna anei hi. Mipi peikhawm ten Synod min a singpi dawnkhawmna zong akinei hi.

Tam bang a Mangpa'n agrep huon a sem ding mi ang pieh zel zieh in Singngat district in Pasion kung leh Synod vaihawmte kung ah kipah thu ka gen uhi.

Reported by
Sye Pauneikhai
Singngat District, Secretary.

A LUNGSIM A VANGAM UMNAPI A MEIDIL LAM ZUON

(Mat. 10:17-22)

- Pa Thongzakhai, Delhi

Thumapui:

Meidil i genmai in zong a zauhuoi dingdan theisa ahi. Tammun khu Pasian in setan leh angelte (fallen angels) gotna munding a anabawl ahi. Hinanleh nangzong Jesu na hundampa a napomsih leh tuamun ah napei veve ding hi. Tam mun khu bitna mun, hamuonna mun leh kholmun nuom ahisih a, kumtawn a kuong Pasian hamsietna mun leh Pasian toh tangtawn a kikhenna mun ahi. Kumtawn kumtawn a na hunzatna ding mun ding hitaleh bangchibang in a chizat huoi diei maw, ngaituo wawi leh?

Meidil zotsang a sezawsem or hoilouzaw semkhat ahileh i lungsim a vangam um ngiengua dingin meidil zot ding khu ahi, anat dingdan hisapmawng mawng ve! na shizou chia vangam um ahichi na thei dingin meidil lam nazawt ding, tami khel a na bang umnawn ding lah? Ahilou leh tambang ana tung ngai amah, ahisihleh ana um ngai amah, maw? I Bible in mi tamlou tuachibang agente enjuol vai, i thei ding khat ahileh tambang mite'n ahun lemtang (opportunity) sunte amauh ading in akijat ua, Khrist pen a podang maimai in apom ua, amauh hundampa dingin a sangsih uhi. Tamte koite ahi ei?

Juda Iskariot in vangam kotpi khu a kiss a, meidil ah apei hi

(Mat. 29:49). Felix in hundamna thu kigen khu angaikhie a, ajau a agenpa kungah na peiphotin hun lemtang kanei chia hing hankia vang achi hi (Acts. 26:8) Festus in khantanhoi khu bang ahiei chi azah nua in, agenpa khu mingol mothaam ahi achi hi (Acts. 26:24). Tam atung i gente aunpi un ashi chiet ua, meidil lamzuon in apei uhi. Tana meilipi lamzuon a peite khu alungsim uah vangam aum hi. Tunia i gen ding zong tambang veve ahi. Tangval khat Jesu kungah ahing pei a, hundamna thu aza a, ahing kuonlam a ahina bangma in akinuale kia hi. (Mimang khat Jesu kungah ahing pei a mimang ma in akinuale kia ahi ichi na ahi). Tampa pen alungsim a vangam um hinapi in meidil lamzuon in apei hi.

Tambang eite lah ah zong tungzing hi. Biehin sungah ihing lut ua ipawtdoh jel uhi. Thugente tungtawn in i khelnate uh kisie a Jesu Khrist kunglam ngading in thu iza jing uhi. Hinanleh i hing kuonlam uh toh kibang in phattuomna neilou in ikinualeh kiajel uhi. Tambang a i kinualejel jel uleh khatvei i lungsim ua vangam um kawmkawm in meidil lamzuon in i pei ding uhi.

1. Akisam um chia akithei doh

hi: Tampa khu Mathew, Mark leh Johan in mihausa achi hi. Khotang hinkhuo ah mi neizou, mithunei leh mi lawching mama achi hi. Mathew in tampa hina khu ‘he was young’ (tangval nailou) achi hi. Luke in vaihawmmi achi hi. Tampa khu local synagogue ah lamkai khat ahia, mite’n athulah mama leh azatat mama khat ahi. A pulam a et in mi lawching mama ahia, a hinkhuo etmai a imu thei ahileh adei angai leh atulmaw teng aneisieng hi. Nu leh pate’n tampa banga lawching dingin atate uh adei mama ding uhi. Hinanleh pulam latdan in mi a solthei hi. Tana tangvalpa khu banglam banglam ah lawching nanleh a lawchingnate ah alungkim sih a, sumte nei in hau nanleh ama ah akisam khat um

chi ama akithei hi. A kihoisahna, akisiengthousahna leh sakhuo mitna in a hagau in tulmaw leh alunggul zing khu apetheisih hi.

Tuni’n tana tangvalpa bangbang zong i umkha thei hi. I pulam mi nuthei dingte etmai in hoibuching in kilang thei hi. Na hinkhuo a zatdan ah nahoi in bawlzong na bolthei mama maithei hi. Khotang leh sakhuo kivaipuona ah na min lar mama a, member, leader, sangsie dinmun zong tu nahimathei hi, mite’n nangkhu etton tahsam e, buchingsam e zong ang chi maithei, hinanleh nangma lam ah akisam (akivat) aum gige thei hi. Tuakhu koiman ahing theipi sihdang a nangma’n na kithei ding ahi.

2. A dohna leh ngaituona: c-17

Tana tangvalpa khu milawching hinanleh ama ading a poimaw penpen anei khasih a, ama zong akithei hi. Jesu lampi a peiding a ahing pawtin Jesu lam zuon in ahing tai a, amasang ah hing khupdin hi, tuachin siepa hoi, ‘kumtawn hinna ka nei theina dingin bang ahiei ka bawl ding’ ahing chi hi. Kumtawn a hinna ding thu thei ut in ahing tai a, tuakhu bang chi leh tanthei ding ahiei chi ahing dong hi. Tampa mi lawching

leh zatat huoipi hinanleh vangam zawtna lampi theilou ahiman in Jesu masang ah atheilou dan khu ahing phuongdoh tahi.

I gen ut ahileh kumtawn gam ding kanchien a thei ut mama mi kitam lou hi, hinanleh tana tangvalpa a lungsim a vangam um kawmkawm in Jesu kungah ahing pei hi. Mi khenkhat kiataleuleu ahileh amauh leh amauh ki buoisah in meidil leh vangam ngaituona ding hun zong anei va-ia sih uhi. A dahuoi mama ahileh khenkhat in theizong athei nuom sih uhi. Tana tangvalpa'n vangam tungtang thu thei ut in a hagau a ding abuai sam ahi. Nang nabuoipi ngai ei? Na buoipi ding ahi ichi ut hi. Shi teitei ding nahi ziehin (Heb. 9:27).

3. A buoinna: Tuachin Jesu'n a kungah 'silkhath nasam nalai hi pei inlen nanei teng zuoh inlen mizawngte pie in' achi hi. Tana tangvalpa'n Jesu Khrist a hundampa a a saan theina dingin Pasian sanga alunggul zawte apeisan angai hi. Tulai ham hileh 'Idol' Pasian masang a na idol khu bang e? Tana pa idol ahileh a goute leh ama kihisahna khu ahi. Aneite azuoh ding vangam a hausa ding ahi. Tam abawlina in Pasian sanga a itzawt bangma aneishih chi asulang

ding a, tuachin alawmte kungah na asem thei tading a, danthupieh ama a ding a zangkhaite mai hilou in aunpi in azuibukim tading hi. Jesu tangvalpa ama leh ama ahinna pumpi kipekhie dingin adei hi.

I gen ut ahileh Jesu'n koi in zong ka nua ahing zui ut leh ama leh ama kithusim lou in a Kross puo in hing zui hen achi hi. Hinanleh tana tangvalpa'n anop thei pen leh ama deidan a azui ding in hundam ahiding zong aut hi. A nei-le-lam zousie zong anei den ut a, tualeh a hinkhuo ah Khrist zong simtel hileh a ut hi. Tuachin Jesu'n a kunga athugen khu azahtah in ada a alungtang ana mama hi. A lunggellou lamtah in ahing umta a, tuachin lungtang natna ding thu puhna ahing bawlta ahi. Vangam lunggul in Jesu kungah ahing pei a hinanleh meidil lam zuon in akinuale kiata hi.

Mangpa'n nang zong deitelna ahing pieh ahi. Sum sese hilou maithei, nopna maw, thangtatna ahi ei, na khelna ahiei? Ama sanga na dei zaw na lunggul zaw a na itzaw leh Aman ahing phalpieh ding hi. Hinanleh nangma leh nangma kidong in 'tuana sil kepdente khu na hagau sangin a manpha zaw diei? Nangman tami dawnna

nakipieh ding ahi, koiman hing piehpi theilou ding ahi.

4. Thupuhna: Hunte hing muolliem touzel in tana tangvalpa zong a khangdawng hunte hingbei in, a dinmun sangtah a kipat a hing tawpta a, tehnat in a goute'n zong ahinkhuo belap zou lou in ashsita hi. Ashinua in a sakhuo mitna leh a umdan hoinate'n ama a hundam zousih hi. Kumtawn a mangthang dingin meidil a tungta hi ajiehpén kinépna um sun Jesu Khrist a na kiheimang sang zieh ahi.

I gen ut ahileh tua Jesu Khrist tunga i silbawl in, i shinua chiengin Jesu zong nangtung (keitung) ah zong bawlding ahi chi thei vai. Tana tangvalpa a shi a meidil ah alutta hi. Hinanleh a lungsim a vangam

gelkawm kawm in meidil lam azuon hi. Nang zong tambang na tuoh thei hi. Na tunga atunlou na ding in na hinkhuo ki enchien in.

Pilgrim progress, tua vangam zuon a cross ID neilou a vangam kawt atunga meidil a kipaipa, Khrist a identification neilou hinapi in vangam a lutsawm hi. Hinanleh alut zousih hi. Tuabang ihi kha ding zau um mama hi. Tuaziehin, ginna ah hei ah na um ei, ki enchien thakit in. Tangtawn a daiding silte ngaituo zing zong nahi mai thei, tua na ngaituona mai ah hunsah sin, Jesu kungah hingpei inlen na tangtawn mun ding hing sufel ding in ikichiel uhi. Na lungsim a vangam um kawmkawm a meidil lam zuon ding in Pasian in hing phallou hi.

MANGPA HOI HI

-Evan. Upa K. Mangpu Pension hahna 2015

01. Biodate & Tanchin tomkim:

1. Min : Evan. Upa K. Mangpu
2. Pamin : Phamsa Pu Nenghau
3. Nu min : Phamsa Pi Damchiin
4. Sanggam Numei : 2
5. Khomin : Sangaikot Presbyterian Church
6. Pienkum : 23-12-1955
7. Khristian a kipieh kum 1966
8. Baptisma tankum 10-12-1966
9. Baptisma tangsahtu Rev. Retd. Kamkhozam

10. Ji min : (L) Nu Chingkhannuom
11. Kiteen kum : 17-02-1969
12. Amun : Presbyterian Church Sangaikot
13. Gawmtu : Rev. Retd. Kamkhozam
14. Upa Ordain tankum : 25-01-2004
15. Ordain tu MEP a 37 vei vaihawmna
16. Khut zangtu : Upa Ginkhomang Moderator
17. Jesu Mang leh Hundampa a pomkum July 15, 1972
18. Pasion guolzawl na gil a ga goutan pasal 4 leh numei 3

02. Akizahnate:

- (a) Tuiningkuol District Chairman pankum 2006
- (b) Ka hun tamzaw MEP huong sung ah sawltah nna ka sem hi.
- (c) Khatvei Zou Synod huong pumpi ka biel hi.
- (d) Kum 2014 apat Zoutang Presbytery huong sung ka biel.
- (e) Ka biel totna mun teng ah Ama nna ka seppi Hattuum upate leh mipiten a nuomthei banga nang na zintun leh welcome nate uh Mangpa'n ale tamsem in hing pethuh taken. Amen. Ebenezer.

.....

KUMTAWN HINNA INN KIP MAANG KHRIST'

*Khai Minthang MA, MBA
Zou Presbyterian Church
Fort Worth, Texas, USA*

Kum Tha chieng a ibawl ngaina bang in mimal, innsung leh gamsung a diing a panlah diingdan geelkholna inei jouta diing uh gintat ahuoi hi. Kum Tha umlou bang hileh geelkhol hun umlou in "hindan-pa-ngai" tawh ki-nitum den diing a kikhietna um meellou diing hi. Kum Tha masang a 2016 a diing geelkholna neilouten tu mama in zong 2016 a diing in geelkholna nei lei ahoi diing hi. Mimal vai ah bangteng kisiemtha sawm, innsung

vai ah bangteng kisiemtha sawm, hattuom vai ah bangteng siemtha sawm, neehsuina vai ah bangchidan a panlah sawm, sumnu-sumpa bangchi sui sawm, ta-le-nau vai ah bangchi sawm, school kaite bangchi sawm.... chidan in geelkholna kibawl thei hi. Kumlui abeita, kumkhat sung a diing a haichi i na tute uh aga a ki-at chietta hi. Khatteng a diing in lungkimhuoi mama a, khatteng a diing in lungkhamhuoi mama hi.

Zou Presbyterian Church Synod in zong December 13-15, 2015 sung in 2015 sung a thuteng sitkhupna leh 2016 a Synod kalsuon diingdan gelkholna kineita a, danbawl Upaten zui diing, sep diingte geelna leh phasahna neita ua, Moderator in suoi akaijou nuo in sepkhiet mai diing in umta a, tun Executive branch khut ah sepkhiet mai diing in kikoita hi. 2016 a koiteng shi diing a kigeelkhol theilou vang in 2016 sung a koima shi lou diing china hi zenzen lou hi. Ahun-ani diing koiman a theilou zieh ahi hi.

Zou Presbyterian Church, Fort

Worth, Texas, USA in zong 2016 sung a diing in gelkholna themkhat kanei sam uhi. April 12, 2015 in innkuon ni toh kipan hi. Zogam toh kituoh deu diingte ahileh Tunnu Liimbeel hateng a \$100.00 toh kithuopi nalai diing, 2016 a kipat India a Zou Synod khawmpi a palai sawl hithei taleh chite leh Zou Synod India Sunday school zillai zah diing chite ahi hi. Tuami in “Mother Church” toh kinaina leh sepkhopna piengsah thei diing chi lunggulna toh vai kihawm ahi hi. Tualou ah Nipini chin in kikhopna kinei a, Sunday school kipeipi a Zou Synod India Sunday School subject kizil hi. Pasian in a misiengthoute kou kung a hun asahza ang puilut theina diing in zong hing na thumpi zing unlen, mailam a Zou Synod, Burma a palai peitheina diing zong kilunggul a, Pasian nasepna a khutkhat-kengkhat khaikhawm diing zong kilunggul mama hi. Pasian in hunkhat chieng a Zou Synod, USA a khawmpi mangkhawm diing a ang phasah hun a um diing zong ginna toh i galdot uhi.

A thupipen in zingchieng a shi diing a mansa a um a, kum tampi dam diing a geelkholna nei ngeingei diing ahi hi. America ah hin hamuonna (Health insurance) leh shi hamuonna (Life insurance) sil masa in koi den uhi. Damlou chieng a kizenna insurance in a piehpieh theina diing in hateng in 200 - 1000 (atam-atawm pen innkuon mi phaza leh coverage ideidan toh kizawh in) tam innkuon a diing in insurance-te khut ah kipe den hi. Zahthanghuoi ahilouna diing in co-pay leh deductable kichi eiman zong themkhat kipekha nalai hi. Aban ah, life insurance kichi pen ishi chieng a insurance-te gaalna chilei akichieng pen diing hi. Tuami a diing in innkuon mi phaza, damtheidan, kum, zu-le-za bawl leh bawllou, shigaalna bangzat nei nuom, etc. chite ki-en in a hateng a sumpieh (Premium) bawl uhi. Damsung a pieh ngeng-ngong diing ahia, ishi chieng a ang gaal diing uh ahi hi. Gentena in \$100,000.00 apat in million a sim in miten bawl ua, shina-manna khat anei uleh a nuasiete a diing a

ashinu/ashipa umlouna apat a innsung kitoudel thei kikaal a “thataanman” dan in ngaisut uhi. Tambang neijoute pen ahileh “American life” kichi chiemkha a kihi a, dam hamuonna leh shi hamuonna kinei sam hi.

Gingtute a diing in tamtan ah atawp sih, aziehpén leitung a hinkhuo khu a tawpna hilou in vangam ahiei gawtmun a diing a kisahkholna ahizieh in “Kumtawn hamuonna” (Eternal insurance) nei diing apoimawpen hi. Damsung a diing a shi leh dam hamuonna neina diing a \$500 (Rs.32,500.00) hateng a pieh a kisap leh Kumtawn hamuonna neina diing in sum bangza alut tazen diei? Koimata in leijoulou hi. Tuazieh in, miteng in kumtawn hamuonna aneitheina diing in Pasian in a tapa tang neisun ahing sawlta a, kumtawn hamuonna hateng/ kumteng a fee (Premium) pieh ngainawnloun in Jesu Krist in nang leh kei a diing in Cross ah apeta hi. Tami ahi Khantan hoi (Gospel or Good News) ichi chi uh. Ken hin hamuonna, shi hamuonna, leh kumtawn

hamuonna ka neita hi. Khuzieh in zing chieng a shi diing a mansa in ka um a, kum tampi dam diing in geelkholna ka neithe hi. Zingchieng in shi lechin Abraham ang ah na tawldam diei, awleh leitung a na gimthuohna ban ah kumtawn gawtna meilipi ah na tun be nalai diei? “Khut a lamlou taangtawn inn-nuom kei din bawlsan a um. Misiengthoute zaidei awina. Khum khu ka inn ahi” na chithe tai? Ahilou leh, “Kumtawn hinna innkip Maang Krist khu ka neita” ichi thei tai? Kumtawn hamuonna nei nahileh tami thu taangkoupi inlen, kumtawn hamuonna nanei nai sih leh tuni na hundam tanni hisah in.... na hun kikhel man diing hi! Tami lai sim nahileh na shi naisih a, na kumtawn mun diing deiteelna nang khut ah aum nalai hi. Koima hing teelpieh thei ahisih a, koima hing seppieh thei zong ahisih.

Pasian vaihawmna Maang toupna masang ah eima chiet a diing kigenta diing a, Hinna Laibupi a min kikhumloute a diing in bawlphat thei ahita

sih diing a, “Mangpa mai ah na kamsiem tawh soljou sih va teh” laphuotu in achi pen ahita diing hi. Na mi mudapa/nu vangam atun leh a tunlou a khawh masa sih, nang ma na tun leh tunlou a khawhzaw ahiphot a, na zi/pasal/tate vangam atun leh tunlou a khawh masa sih, nang a diing poimo masazaw hi. Vangam tung lou diing tumtah khat midang khat a tun theina diing va buoipi den keei sang in eima tunna diing vaihawm masa phot lei ahoipen diing hi. Nang pienthana tawh Vangam midangte na kitaanpi thei ahisih. Na thu in siem natang diing a, na thu ma tawh siemmaw natang diing hi. (Matt. 12:37) “Na mit zietlam in ahing khelsah leh kheukhie inlen pai mai in, na tahsa pumpi gawtmun a pai ahi sang in na tahsa hieng khat a manthai nang a diing in a hoizaw hi.” (Matt. 5:29) Tunin Pasian na mang leh hundampa in sang lechin bangma tawh lei ngailou a Pasian silthawnpieh liulieu shi hamuonna nei nahi ban ah hin hamuonna zong nanei a, kumtawn hamuonna nanei diing hi.

MOTHUOI TAH A JESU NUAZUINA

- Kh. Thanglunsiem

Vaiphei Gangpimuol

Mangpa hepina tangte hi dinga deisahna tang ihi nalai zieh un loupina Pasian in tang taken. Amen. Khovel siemna, pilna sangta ahi chi alien aneu in imit un imuchiet ua, ibil un iza ta uhi. Kalkhata sepding bang nikhat in zawthei ta. Nikhat a zaw ding naikal khat a zaw thei ta ahoi khop mai!. I gen nuom pen ahileh Jesu nuazui ihi zing lai a khovel Khantouna buoipi a, ngolpi mai ihikha de aw kidong tha vai. Pil sengseng ta a, eima supna ding leh gimna ding chieng huopsah lou a sim a lawhna ding chau thei NUAZUI hidan siemta ihikha diei? A kang (white) i thei theina ding un a vom (black) i thei masah angai a, a hoi ithei theina ding un a sie ithei masah poimaw hi. Tam bang ma in pilna

i theisiemna dingun motna zong ithei uh poimaw hi. Khovel mite etdan leh hagau mite etdan tam anei a bangin ensuh vai.

HAGAU AH: Tuni hun a hagau damna itan theina pen uh hing kipatna va ngaituo vawi. Mangpa Jesun nuazui masate a hat lai in Simon leh Andrew ten a lan (net) asena mun ua pat ana zui mai dan uh pen (Mak 1:16-18) ei dinmun dingin kingaituo

lachin i suonlam ding uh pen (1) Ka inn, ka lou koi in en kawl ding? (2) Ka taa te Sekul fee koi in sui ding? chite khu i suonlam ding uh ahi. Job in anei alam zousie Pasian agiin ziehin taan ngnam. Job 1 :13-22. Abraham in a tapa nei sun a pieh doh ngom dan bang Gen. 22:1-3 thu v a ngaisuon pha vawi a ngol huoi hilou maw unau. Min pilna Pasian a hing muchien chiengin mi maw a suoh mai hi. Mangpa

deidan toh kituoh ahi phot leh mawt hi masawnna nah ahi. Thupina Mangpa'n tang taken!

TAHSA AH: Mihing ten idei leh i ngainat pen uh khu suol chin bul (i.e) Sana dangka ahi. I dei dan uleh lunglutnate pen Khrista Khantanhoi tuoh akituoh lou lei mothuoï” chi izah dan zong hing tuom ding ahi. Va gen talei thagum leh hujham a khovel a vaihawmtu Alexander pen “The Great” chi tittle ana pie ua hinanleh houtu chia tittle ipieh pen uh ahi. Luke 11:15). Thomas Edison khun Electric Bulb a siem doh ziehin “ Genius” chi tittle ina pie ua, hinanleh pilnba leh theina bulpi pen (Sam 111:10) ahilam theilou a amaw or ngol ahi ichipen uhi banglam pen ah tam kammal ngolhuoi pen ijah uh e chi ngaisun tha vai. (Johan 10:20) Unau tuni hun in kingaituo tha vai. Hagau a hinga

mihingte dinga mothuoï tah aum toh tahsa dan zui a pil huoi taha um heipen tel zaw ding na hiei? Joshuo in vang atel ding tah a tel a atudet tinten ahizaw. Khross thu khu mangthai kuonte a dingin mothuoï ahi china manghil lou uh gintat aum hi. A heipen teel nanleh chin na teel penpen ah a mo na hi thou thou ding hi. Tam teng ahiman in deitelna kichientah poimaw ahi. I thu tawpna dingin zan aum lou leh sun aum thei lou bangin “Mothuoï” aum lou leh “Philhuoi” a um thei sih. Hun peisa a miten mitmu nothuoï te zang nanleh Jesu telkha nailou ihi khah leh deitel theina hun hoi inei lai un, deitel vaui. Motna natel leh apil hiva chin, Pilna natel leh motna leh shina na law ding hi. Mangpan tel in! na thei khamkham, na nei sunsun hita lou in thei tawh tawh leh na nei zousien Mangpa nuazui tavai.

SUHDIHNA (CORRIGENDUM)

A. Tonjang Presbyterian Church Upa Mangchinkhup Rs. 6990 kichipen Rs. 26990

B. Tuining Hattuom a bu man Sawm-a-khat mimal list
telkhalou teng

1. Pa Suonmang	₹	3000
2. Upanu Vungkhoniang	₹	5660
3. Pa Chinsuonmung	₹	1800
4. Pa Soizalam	₹	1200
5. Pa Ginsuonlal	₹	5400
6. Pa Ginzahau	₹	1800
7. Pa Thatchinmang	₹	1800
8. Pa Khankhup	₹	1800
9. (L) Pa Nengchinmang	₹	3000
10. Upa T. C. Pau	₹	6000
11. Nu Chingzanuam	₹	600
12. Upanu Donngaiching	₹	3600
13. Pa Paulienkhup	₹	1800
14. Pa Zanei	₹	4200
15. Pa Khupchinlam	₹	1800
16. Pa Paulienkhai	₹	1800
17. Upanu Dimzangai	₹	2400
18. Pa Tunlam	₹	2400
19. Pa Chinlienmang	₹	1200
20. Pa Khamchinkhup	₹	2400
21. Pa Ngamzalal	₹	600
22. Pa Lallienthang	₹	1200
23. Pa Nengmang	₹	1800

C. Chiinsonching Hiangtam (K) ₹ 1,000 kichipen ₹10,000/-
chiding hizaw.

ZPWF COLUMN

20TH NOVEMBER, 2015 _to 13TH JANUARY 2016
TUNNU LIMBEL PANPINA PETE

1. P. Church, Tuibuang Christmas gift	Rs.	1,000
3. P. Church, Central Church Christmas gift	Rs.	1,000
4. P. Church by Chiinkhoniang for Hatnu 2014 Christmas gift	Rs.	3,000
5. P. Church Tongdam, Christmas gift	Rs.	685
7. P.Church Immanuel, Christmas gift	Rs.	265
8. P.Church Tangpijol, Christmas gift	Rs.	1,000
9. P. Church P. Salem, Christmas gift	Rs.	187
10. P. Church Awnchinkap khuo, Christmas gift	Rs	2,000
11. P. Church Thingkangphai, Christmas gift	Rs.	1,000
12. P. Church Lailamveng, Christmas gift	Rs.	2,098
13. P. Church Aina, Christmas gift	Rs.	851
14. P. Church S. Vengnuam, Christmas gift	Rs.	480
15. P. Church Nungshai, Christmas gift	Rs.	450
16. P. Church Behiangjang Christmas gift	Rs.	820
17. P. Church Maukot, Christmas gift	Rs.	565
18. P. Church Tuilaphai, Christmas gift	Rs.	1,000
19. P. Church T. Zion, Christmas gift	Rs.	850
20. P. Church Sangaikot, Christmas gift	Rs.	265
21. P. Church Muallum, Christmas gift	Rs.	1,000
22. P. Church Delhi, Christmas gift	Rs.	3,500
23. P. Church Zomi Colony, Christmas gift	Rs.	3,000
24. P. Church Nungshai, Christmas gift	Rs.	300
25. PWF, Kananveng, Christmas gift	Rs.	500
26. PWF Central Church, Christmas gift	Rs.	3,000
27. PWF Shillong, Christmas gift	Rs.	2,000
28. PWF Lailamveng, Christmas gift	Rs.	2,000
29. PWF Tuibuang, Christmas gift	Rs.	1,000
30. PWF Zomi Colony, Christmas gift	Rs.	2,000

Khristian Tangkou | January & February | 2016

31. PWF Sabual, Christmas gift	Rs.	1,100
32. PWF Manniang khuo, Christmas gift	Rs.	370
33. PWF Hiangtam, Christmas gift	Rs.	560
34. PWF Daijang, Christmas gift	Rs.	1,000
35. PWF Mawngken, Christmas gift	Rs.	500
36. Nh. Ninglamkim, S. Vengnuam Christmas gift	Rs.	100
37. Upanu Ngaikhannian, Behiangjang Christmas gift	Rs.	1,170
38. Upanu Niangneikim, Zomi Colony	Rs.	2,000
39. Upanu Dimkhanching, Behiangjang	Rs.	500
40. Upanu Noukhauching, Tangpijol	Rs.	500
41. Rev (ret'd.) H. Nengzatun, Zomi Colony	Rs.	500
42. Pa S. Hangmuanthang, Central Church	Rs.	500
43. Nu Deinou, Sugnu	Rs.	100
44. Pa Ginkhanpau, Sugnu	Rs.	50
45. Mrs. Flora Hatnu, UK	Rs.	92,000
46. Nh. Lhingneihoi, Sabual	Rs.	200
47. Pa H. Kapneithang, Central Church in panpina	Rs.	2,800
48. Upa Chingenpau, Muallum	Rs.	500
49. Upa Goumang, Central Church	Rs.	500
50. Tv. Pauminlun, S. Vengnuam	Rs.	50
51. Nh. Nianneijem D/o P. Khaihenpau, Zomi Colony	Rs.	5,000
52. Zou Presbyterian Church USA	Rs.	6,160
53. Nu Hoichin Game Village Anntang	50	Kgs
54. Nu Ngaiting w/o Lentinlal Vaiphei in	puanzal-	24
55. PWF Behiangjang	Rs.	2,110
56. PWF Behiangjang Antang	50	Kgs
57. PWF S. Vengnuam Antang	48	Kgs
58. PWF Kanan New Lamka Anntang	60	Kgs
59. PWF Shillong panpina	Rs.	3,000
60. PYF Tuivai District Tunnu Limbel khawmpi tholom	Rs.	1,100
61. P. Church Mangzing Anntang	50	Kgs
62. PWF Tongdam Anntang	22	Kgs

63. PWF Lailamveng Anntang	125	Kgs
64. PWF T. Tangnuam Anntang	50	Kgs
65. PWF Aina Anntang	50	Kgs
66. PWF Khuainuai Anntang	40	Kgs
67. PWF Tuilaphai Anntang	34	Kgs
68. PWF Central District, Tunnu Limbel tholom	Rs.	,194
69. PWF Imphal Anntang tang	Rs.	3,680
70. PWF Tongdam Anntang tang	Rs.	500
71. PWF Mangjing Anntang tang	Rs.	300
72. PWF Singngat Anntang tang	Rs.	2,200
73. PWF Behiangtung Anntang tang	Rs.	500
74. PWF T. Munnuam Anntang tang	Rs.	520
75. PWF Khuainuoi Anntang tang	Rs.	350

** Petu zousie Mangpa'n hing guolzawl taken !*

.....

Ordain Suunna (L) UPA NENGCHINMANG - 74



Atanchin tomkim leh akizahnate

1. Min : (L) Upa Nengchinmang (Chief)
2. Pamin : (L) Sawmgin
3. Numin : (L) Chiindon
4. Pienkum : 1942
5. Pienna khuo : Tuining
6. Tu leh tu a umna : Tuining Presbyterian Church
7. Koppi min : (L) Chingmang
8. Kitenni : 1959
9. Dansiengthou

10. Gawmtu : Rev. Khamzalien
11. Baptisma petu : Rev. Khamzalien
12. Khristian a kipiehni : 1957
13. Baptisma tan kum : 1959
14. Pientha kum : 1968
15. Laisiemna : Class - III
16. Nehsuina : Peon
17. Gil a gaa goutan pasal 4 leh Numei 5
18. Upa Ordaintu : Rev. Lienchinkhup Moderator,
MEP 10th Session
19. Upa hina mun : Presbyterian Church Tuining
20. Pienpi Sanggam pasal 2 leh Numei 4
21. Atute pasal 14 leh Numei 18

Pawlpì a akizahnate: Manipur Eastern Presbytery (MEP) sung ah Moderator hina (2) vei ana puo a, khumban ah Tuiningkuol District sung ah District Chairman (2) veima ana pawkia hi. Local Chairman leh Secretary tampi vei ana pua a, tu leh tu in local ah treasurer ding lai ahi.

Khotang a kizahnate:

1. UZO President Tuining Block term 2(ni)
2. UZO HQ member term (4) li
3. Chairman Zou Custom Committee 2002
4. Chairman Zou Zumpi 2003
5. Adviser UZO General Hq. 2013-2015

* Ashma natna nei mi ahiman in Doctor ah ana kienkawì sah zel a, adam banga hinkhuo azah lai in thei khollou in anatna hing buoisie in apeisa January 16, 2016 4:30am in a iit angai teng leh a Hattuum, apawlpì te nuasie in thupina gam ang zotsanta hi. Tam i Khristian Tangkou tungtawn in i ut thu leh i suun thu ipuong uhi. Ala dei: (1) Kei ka khuolzinna (2) Laam diel diel vai e.

.....

(L) UPA TH. KHAMHANG KUM - 77

Atanchin tomkim leh akizahnate:

Phamsa Upa Th. Khamhang s/o (L) Th. Kaidong leh (L) Nu Ngaihat te gil a gaa goutan tapa nina ahia, 1939 in T. Singtam khuo, Singngat Sub-Divn. ah ana pieng hi. Kum 1963 in Assam Regiment ah ana lut hi. Pastor Vungdal khut ah Baptisma ana tang hi.



1966 in azi itt tah Upanu Chingkhannieng toh ana kiteng in tuachin dt. 25/01/1976 in Rev. Kamkhojam khut apat in pindan in ana kiteng uhi. Evan. Neihau apat in Khantanhoi khovah ana mu hi. Amauten gil a gaa goutan ta pasal 2 leh numei 5 anei uhi. Aman pienpi sanggam pasal 7 leh numei 2 anei hi. Tu pasal 11 leh numei 8 anei hi. Kum 1979 in Assam Regiment apat in ana pension hi. 1960 kum in T. Vajang khuo ah Presbyterian Church ah theitop in ana pang hi. 1998 in Rev. Awnkhankhup khut apat in Central Church, MGP Upa ding in ordination ana tang hi. Tuachiin Central Church Hattuum apat in Presbyterian Church, New Zoveng enkol ding in MGP in mawpuohna anapie hi. Kum 2004 in LDCC, Hiengzou, ZPCS Hattuum apat Chairman in anapang hi. 2014 November 5, in Presbyterian Church, Zoumunnuam Hattuum apat Chairman ahiban ah ashi tan dong in Chairman ahi hi. Lentang District Chairman in 2007-2008 leh 2012-2013 anapang a, tu leh tu in zong Lentang District ah Standing Committee member ahia, MGP ah Sub-Pastoral Committee member ahiban ah Zou Synod ah Pastoral Committee member in apang hi. Ama ahileh Hattuum a ding a kipezou leh kukaltah mi ahia, Pasian gam nasep ahi phot leh ama a ding khuollou a ahun neisun toh pangmi ahi hi.

Hunsawtpi apat in Asthma natna nei in mun tuomtuom ah etkol in a um a, hinanleh damsiengthei tahtah lou in dt. 20/01/2016 in CCPur District Hospital a etkol ahilai in damzoulou in 11:00pm in a iit leh angaiteng nuasie in Asiempa kung ah angkhawldam santa hi. Ama i iit thu leh i suun thu tam i Khristian Tangkou tungton in ipuong uhi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhothang	12. Upa Dr. M. Lachinkhai
13. Upa Khamchinjam	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzaton	23. Rev. Awnkhanhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhothawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zekhochiin	38. Pi Hatkhanvung	39. (L) Pi Ngaihoiching	40. Pi Mankhannieng
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsianmang	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkhohling
93. Pu Hauliankap	94. Pi Chinnu	95. Upa Ngulzakhai	96. (L)Upa T. Gougin
97. Pu Ginsuanhau	98. Pu L. Langminthang	99. Rev. David K.Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhau	116. Upa Pauchinlel
117. Kimneihei	118. Pu Kamgenpau	119. Nh. Niangsuannuam	120. Nu Ngaikhanvung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannieng	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang

Undelivered

Please return to:

The Editor

KHRIŒTIAN TANGKOU
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com/zousynod05@gmail.com

7a,

Edited and Published by the Editor on behalf of the Zou Presbyterian Church Synod